



Broj: UP-1-05/A-07-7-KT-2-2/25
Sarajevo, 10.02.2025. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17) i čl. 21. stav (1), 25. stav (1) i 26. stav (4) Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23), rješavajući po pisanom zahtjevu broj UP-1-05-07-7-2/25 od 29.01.2025. godine, direktorica Direkcije za evropske integracije donosi

RJEŠENJE o odobravanju zahtjeva za pristup informacijama

Odobrava se zahtjev za pristup informacijama od 30.01.2025. godine, koji je putem mail-a podnijela Lamija Vehabović Halilović, Centar za društvena istraživanja - Internacionalni Burč univerzitet u Sarajevu.

Obrazloženje

Direkcija za evropske integracije zaprimila je dana 30.01.2025. godine, zahtjev Lamije Vehabović Halilović, Centar za društvena istraživanja - Internacionalni Burč univerzitet u Sarajevu, u kojem traži da im se, u skladu sa Zakonom o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23) (u daljem tekstu: Zakon o slobodi pristupa informacijama), dostavi elektronskim putem, lista direktora i zamjenika direktora Direkcije za evropske integracije, od njenog osnivanja do danas, s tim da lista treba da sadrži informacije o periodu mandata pomenutih članova i njihove funkcije.

Razmatrajući predmetni zahtjev, utvrđeno je da su ispunjeni uslovi, da se u skladu sa članom 26. stav (4), a u vezi člana 25. stav (1) Zakona o slobodi pristupa informacijama, odobri pristup traženim informacijama koje su u posjedu Direkcije za evropske integracije.

Napomene radi, Odlukom o Direkciji za evropske integracije („Službeni glasnik BiH“, broj 41/03) nisu utvrđene pozicije zamjenika rukovodioca institucije, te je stoga informaciju moguće odobriti i dostaviti samo u dijelu koji se odnosi na rukovodioca, odnosno direktora Direkcije za evropske integracije.

Shodno gore navedenom, donijeto je Rješenje kao u dispozitivu a podnosiocu zahtjeva u prilogu ovog akta dostavlja se posebno pripremljena informacija na osnovu službenih podataka.

Pouka o pravnom lijeku: Protiv ovog Rješenja podnosilac zahtjeva može izjaviti žalbu Žalbenom vijeću pri Vijeću ministara Bosne i Hercegovine (adresa: Trg BiH broj 1, Sarajevo), u roku od 15 dana od dana prijema Rješenja.

Prilog: kao u tekstu

Dostavljeno:

1. Podnositeljici zahtjeva
2. Službenici za informisanje
3. a/a



DIREKTORICA

Elvira Habota

**Lista direktora Direkcije za evropske integracije
Vijeća ministara Bosne i Hercegovine**

Direktori Direkcije za evropske integracije od osnivanja institucije do danas (10.02.2025. godine)

Red. br.	Ime i prezime	Funkcija	Period
1.	Osman Topčagić	Direktor Direkcije	21.08.2003. - 14.01.2009.
2.	Nevenka Savić	Direktorica Direkcije	15.09.2009. – 19.11.2015.
3.	Edin Dilberović	Direktor Direkcije	19.11.2015. – 02.10.2023.
4.	Elvira Habota	Direktorica Direkcije	03.10.2023. i dalje